

Beszédértés/szóbeli vizsga mintafeladat B2
MEGOLDÁSOK

1. kép



Kérdés: So dikhes po kipo? So gindis pa leste?

Kérdés/válasz:

Kado kipo ande jekh vesh kerdyilas. Akanak nasul vrama si, na dulmut das o brishind. Hajkam tomna si, ke le patra naj pel kashta, tele perdine. Po mashkar po drom le terne phirkeren, hajkam kirandulashi keren la shkolasa. Kade dikhav von ehta zhene si. Ando gruppo si vi sheja thaj vi shave. Von hajkam desh bershenge-j. Lenge sityares chi dikhav po kipo akanak. Hajkam voj chi dichol po kipo. Vaj gelastar aba, vaj chi avilas inke kathe po kipo. Le sityimaske shave tate gada phiraven, ke shil si avral ando vesh. Vi me kamav te kerav kirandulashi, de me majfeder milaje, vaj primavarasa phirkerav ando vesh, vaj andej natura. Me zurales kamav te zhav ande Matra, vaj ando Zemplen. Vi milaje kothe somas mura familijasa. Si man kothe jekh amal, kas si jekh cino kher ande Matrahaza. Me butivar mangav lestar le khereski kija, thaj pe duj-trin dyesa opre zhav mura familijasa. Le shave kamen te phirkeren ando vesh, kamen te dikhen le pedon, buraca kiden mashkar le kashta, vaj pej mal. Ba me trubul te dikhav le buraci te na aven mashkar lende nasul!

- *So kames majfeder, le plaja, vaj a baro paji?*
- Selduj kamav.



Beszédértés/szóbeli vizsga mintafeladat **B2**

MEGOLDÁSOK

- ***Kaj thaj kana sanas legmajpalune kaj o baro paji?***
- Ande Italicco Them somas ande nachilo bersh.
- ***So kerdan?***
- Mure romesa somas duj zhene. Ande Bibione sas amaro hotelo, kaj ame beshlam. Jekh kurko samas kathe. Ame najilam ando baro paji sako dyes, pashjilam tela o kham sorro dyes. Ratyine gelam te xas ratyako xaben andej pizzeria. Jekh dyes kerdam kirandulashi ande Velence busosa. Dikhlam o dulmutano foro, gelam hajovosa pej laguna. Zurales shukar sas o dromipe. Ba kado si o bajo, hoj Velence zurales kuch foro si. Kathe jekh lashi pizza bish eurovura sas.
- ***Kaj kamesas te dromes inke, kaj inke chi sanas?***
- Jekhvar kamos te zhav ande Japan. Kado them dur si amendar, ba kode gindij zurales interesno shaj avel.
- ***Sostar chi dromes jekhvar kothe?***
- Najma dosta love, de maj shuvav rigate love, thaj atunchi dikhav Japan.
- ***Kodo kivanij tuke, hoj kode t'avel!***
- Nais tuke!

2. szituáció

Párjával (a vizsgáztatóval) nyaralást terveznek. Ön a tengerparti nyaralást, párja a hegyi túrázásokat kedveli. Győzze meg a párját, beszéljék meg közösen, hogy hová menjenek.

Párbeszéd:

- ***Kamos te zhav varikaj te hodinisarav. Tu so gindis?***
- Vi me kamos te zhav varikaj. Te zhas kaj o Balatono!
- ***Kaj o Balatono? So te keras kothe?***
- Shaj najuvas ando baro paji, shaj pashjuvas tela o kham, shaj phirkeras pel bare pajeski dolma, shaj zhas hajovosa po Balatono.
- ***Mishtoj, ba me majfeder andel plaja kamos te zhav.***
- Kothe so kerasa?
- ***Ame shaj phirkeras ando vesh, kothe lasho aero, thaj bari pacha si.***
- Mange kado chi fajol, me majfeder kothe kamos te avav, kaj but manusha si. Ando vesh, vaj andel plaja chi zhanav khanchi te kerav.
- ***Atunchi so te keras?***
- Kodo gindij, hoj vi tut, vi man t'avel chachipe! Te zhas kaj o Balatono ande Badacsony. Kothe si baro paji, ba si vi plaja. Shaj najuvas ando paji thaj pe kaver dyes shaj keras kirandulashi andel plaja. So gindis?



EZRA Nyelvvizsgaközpont

Beszédértés/szóbeli vizsga mintafeladat

B2

MEGOLDÁSOK

- ***Kado zurales lasho avla, chachipe situ! Te zhas kothe! Kana te zhas?***
- Te zhas ande juliushi, atunchi aba lashi vrama avla!
- ***Pe sode dyesa te zhas?***
- Pe'kh kurko lasho avla.
- ***Sosa te dromas?***
- Me kade gindij te zhas vurdonesa.
- ***Sostar vurdonesa?***
- Vurdonesa majsigako si, atunchi lasame te zhas, kana kamas. Kothe torduvas, kaj kamas. Thaj vurdonesa zhanas te zhas te keras vi kirandulashi. Maj lezno-j, sar zibanosa.
- ***Mishto-j, atunchi vorbisardam a dromipe! Ande juliushi dromas ande Badacsony pasha o baro paji thaj le plaja. Lasho avla zurales!***
- Sar te na, vi me kade gindij!